


Poziv subjektima IPP Federacije BiH za učešće u javnim konsultacijama u sklopu inicijative GreenData4All

05.03.2025 10:56



Evropska komisija vas poziva da učestvujete u javnim konsultacijama u sklopu inicijative GreenData4All. Ova inicijativa je ključna za podršku zelenoj i digitalnoj transformaciji Evrope, omogućavajući lakši pristup, dostupnost i ponovnu upotrebu podataka o okolišu. Komisija želi prikupiti mišljenja zainteresovanih strana o problemima identificiranim u evaluaciji Direktive INSPIRE, izazovima koji proizlaze iz brzo razvijajućeg evropskog podatkovnog pejzaža i mogućim pristupima za njihovo rješavanje.

Konsultacije su otvorene za sve zainteresovane strane, uključujući građane, stručnjake za okolišne i prostorne podatke, organizacije iz različitih sektora (okoliš, geoprostorni podaci, pomorstvo, poljoprivreda, komunalne usluge, pametni gradovi, mobilnost, energetika), kompanije, nevladine organizacije, akademsku zajednicu i međunarodne partnerne.

Javne konsultacije su otvorene **do 30. aprila 2025. godine**, a prijedlozi se mogu dostaviti na svih 24 zvanična jezika EU. Svoj doprinos ovim konsultacijama možete dati popunjavanjem online upitnika: [Link](#)

[na upitnik](#) Upitnici su dostupni na nekim ili svim zvaničnim jezicima EU. Svoje odgovore možete poslati na bilo kojem od zvaničnih jezika EU. Radi transparentnosti, od organizacija i kompanija koje učestvuju u javnim konsultacijama zahtijeva se registracija u Registru transparentnosti EU.

Vašim učešćem pomoći ćete da ažurirana pravila o okolišnim podacima zadovolje potrebe svih korisnika, od donosioca politika i kompanija do šire javnosti. Učešćem u ovoj inicijativi, postajete dio oblikovanja održivije i digitalno napredne Evrope.

O inicijativi GreenData4All

Inicijativa GreenData4All odgovara na sve veću potrebu za boljom razmjenom okolišnih podataka, što je od ključne važnosti za razvoj efikasnih politika zaštite okoliša i jačanje ekonomije zasnovane na podacima.

Ciljevi inicijative:

- **Povećanje razmjene podataka:** Učestvujte u izgradnji koherentnog ekosistema za razmjenu okolišnih podataka, prilagođavajući postojeći pravni okvir za razmjenu prostornih podataka (INSPIRE direktiva) budućim potrebama i usklađujući ga s drugim evropskim zakonodavstvom o dijeljenju podataka (Direktiva o otvorenim podacima, Zakon o upravljanju podacima).
- **Podrška okolišnim politikama:** Osigurati da okolišni podaci budu lako dostupni i prilagođeni potrebama krajnjih korisnika, omogućavajući bolje provođenje politika i donošenje odluka.
- **Promovisanje digitalne transformacije:** Doprinos povećanju pristupačnosti i ponovne upotrebe okolišnih podataka za sve korisnike, čime se podstiče konkurentnost i inovacije širom EU.